



Na osnovu člana 14. Zakona o osnivanju JU „Kantonalni Centar za socijalni rad“ Goražde („Službene novine BPK-a, Goražde“, broj: 5/00), člana 30. Pravila JU „Centar za socijalni rad BPK-a Goražde“, (Sl. novine BPK-a Goražde broj: 13/15, 14/16, 10/23) i broj: 05-04-578-3/26 od 09.04.2026. i broj: 05-04-839-2/26 od 25.05.2026. godine, Upravni odbor JU Centar za socijalni rad BPK-a Goražde raspisuje:

**JAVNI KONKURS
za izbor i imenovanje direktora
JU Centar za socijalni rad Bosansko - podrinjskog kantona Goražde**

I

Objavljuje se konkurs za izbor i imenovanje direktora JU Centar za socijalni rad Bosansko - podrinjskog kantona Goražde na period od 4 (četiri) godine.

II

Opis poslova i nadležnosti direktora

- Rukovodi radom i organizira poslovanje Kantonalnog centra,
- odgovara za zakonitost rada Kantonalnog centra,
- predstavlja i zastupa Kantonalni centar u svim postupcima pred sudovima, upravnim ili drugim državnim tijelima,
- daje Upravnom odboru prijedloge opštih akata na usvajanje u skladu sa odredbama Pravila,
- zaključuje ugovore o radu i prestanku rada u skladu sa Zakonom o radu, te odlučuje u I stepenu o ostvarivanju prava radnika iz radnog odnosa,
- izvršava odluke Upravnog odbora,
- podnosi Upravnom odboru izvještaj o radu i finansijskom poslovanju i predlaže Program rada Kantonalnog centra,
- obavlja i druge poslove u skladu sa zakonom i općim aktima Kantonalnog centra, osnivača i Resornog Ministarstva.

III

Kandidati treba da ispunjavaju sljedeće uslove:

Opći uslovi:

- da su stariji od 18 godina,
- da su državljani BiH,
- da su zdravstveno sposobni za obavljanje pozicije za koju se kandiduju,
- da nisu otpušteni iz državne službe kao rezultat disciplinske mjere na bilo kojem nivou vlasti u BiH u periodu od 3 godine prije objavljivanja upražnjene pozicije (dokaz: ovjerena izjava),
- da se na njih ne odnosi član IX.1. Ustava Bosne i Hercegovine (dokaz: ovjerena izjava).

Posebni uslovi:

- da imaju visoku stručnu spremu, fakultet političkih nauka – odsjek socijalnog rada ili pravni fakultet ili ekonomski fakultet ili filozofski fakultet odsjek za psihologiju ili odsjek za pedagogiju, odnosno stečeno visoko obrazovanje prvog (najmanje 180 ECTS bodova), drugog ili trećeg ciklusa bolonjskog sistema studiranja,
- najmanje 3 godine radnog iskustva u struci,



- da nisu osuđivani za krivično djelo koje je nespojivo sa obavljanjem dužnosti direktora,
- da nisu osuđivani za privredni prestup/prekršaj koji je nespojiv sa obavljanjem dužnosti direktora.

IV

Uz prijavu na konkurs kandidati su dužni priložiti original ili ovjerene kopije ne starije od 6 (šest) mjeseci, osim za koje je u tekstu Javnog konkursa određen drugi period, sljedećih dokumenata:

- kraću biografiju, adresu i kontakt telefon,
- uvjerenje o prebivalištu,
- izvod iz matične knjige rođenih,
- uvjerenje o državljanstvu,
- diplomu o završenom obrazovanju visoke stručne spreme,
- potvrdu o radnom iskustvu u struci,
- uvjerenje o zdravstvenoj sposobnosti, ne starije od 3 (tri) mjeseca, (kandidat koji bude izabran),
- uvjerenje o nevođenju krivičnog postupka, ne starije od 3 (tri) mjeseca, (kandidat koji bude izabran),
- uvjerenje o osuđivanosti/neosuđivanosti, ne starije od 3 (tri) mjeseca, (kandidat koji bude izabran),
- potvrda ili uvjerenje poslodavca - državnog organa ili institucije da kandidat u posljednje tri godine od dana objavljivanja javnog konkursa nije otpušten iz organa državne službe kao rezultat disciplinske mjere na bilo kojem nivou vlasti bilo na nivou države ili entiteta, (za kandidate koji su bili uposleni u organima državne službe) ili pismena izjava ovjerena u općini ili sudu (za kandidate koji nisu zasnivali radni odnos u organima državne službe),
- izjava da nisu obuhvaćeni odredbom člana IX. stav 1. Ustava Bosne i Hercegovine,
- program rada ustanove za mandatni period.

Napomena:

Ovjerena fotokopija diplome o završenom visokom obrazovanju na mjestu ovjere nadležnog organa mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica. Prijave uz koje se dostave ovjerene fotokopije diploma bez tražene napomene i potpisa ovlaštene osobe odbacit će se kao nepotpune.

Kandidat koji bude izabran dužan je u roku od 8 (osam) radnih dana od dana dostavljanja saglasnosti Vlade Bosansko - podrinjskog kantona Goražde o njegovom imenovanju, (o čemu će biti telefonskim putem obaviješten sljedećeg radnog dana od dana dostavljanja), dostaviti: uvjerenje o zdravstvenoj sposobnosti, uvjerenje nadležnog suda da se protiv kandidata ne vodi krivični postupak i uvjerenje o osuđivanosti/neosuđivanosti.

Sa kandidatima koji ispunjavaju propisane uslove konkursa obaviti će se intervju. Kandidatima koji ne budu izabrani dokumentacija se neće vraćati, osim na lični zahtjev kandidata.

Konkurs ostaje otvoren 15 dana od dana posljednje objave, a bit će objavljen na oglasnoj ploči JU Centar za socijalni rad BPK-a Goražde, u dnevnom listu „Dnevni avaz“, web stranici Vlade BPK-a Goražde, web stranici JU „Služba za zapošljavanje BPK-a Goražde“.

Prijave sa potrebnom dokumentacijom dostavljaju se lično ili preporučeno poštom na adresu: JU „CENTAR ZA SOCIJALNI RAD BPK-a GORAŽDE“, Maršala Tita 13, 73 000 Goražde, sa naznakom: „Prijava na konkurs za izbor i imenovanje direktora JU „Centar za socijalni rad BPK-a Goražde“, NE OTVARAJ“.

Nepotpune, neuredne i neblagovremene prijave neće se uzimati u razmatranje.



Nedim Dozo
Nedim Dozo